

# PSLE HIGHER MALAY LANGUAGE (0016)

For examination from 2017

## 1 OBJEKTIF PENILAIAN

Peperiksaan Bahasa Melayu Lanjutan Peringkat PSLE bertujuan untuk mengukur tahap pencapaian dan kecekapan calon dalam bidang bahasa berdasarkan objektif Sukatan Pelajaran Bahasa Melayu Peringkat Sekolah Rendah 2015, Kementerian Pendidikan.

Peperiksaan Bahasa Melayu Lanjutan bertujuan untuk menilai keupayaan calon:

- (a) membaca dan memahami pelbagai jenis teks dan memberikan respons terhadap teks seperti:
  - mengenal pasti maklumat khusus yang diperlukan
  - mengenal pasti idea utama
  - memastikan sebab dan akibat
  - membuat perbandingan
  - membuat inferens/kesimpulan yang mudah tentang makna yang tersirat
  - mengenal pasti sebab/penjelasan untuk menyokong sesuatu respons atau pendapat
  - mengenal pasti makna perkataan mengikut konteks;
- (b) mengaplikasikan pengetahuan kosa kata dan tatabahasa dalam konteks yang sesuai;
- (c) menulis pelbagai jenis karangan dengan berkesan untuk pelbagai tujuan, khalayak dan situasi; dan
- (d) berinteraksi melalui penulisan dengan jelas dan berkesan untuk pelbagai tujuan, khalayak dan situasi.

## 2 FORMAT PEPERIKSAAN

Format Peperiksaan bagi Bahasa Melayu Lanjutan Peringkat PSLE terbahagi kepada:

- Kertas 1: Karangan
- Kertas 2: Penggunaan Bahasa dan Kefahaman

### **Kertas 1: Karangan – 40 markah (40%)**

Kertas ini mengandungi 2 soalan. Calon dikehendaki menjawab 1 daripada 2 soalan yang dikemukakan dengan menggunakan tidak kurang daripada 180 patah perkataan. Bagi soalan pertama, calon dikehendaki menulis karangan berdasarkan topik dan senario yang diberikan. Bagi soalan kedua, calon dikehendaki menulis karangan berdasarkan permulaan yang diberikan. Masa yang diperuntukkan ialah 50 minit. Kamus yang diluluskan boleh digunakan.

### **Kertas 2: Penggunaan Bahasa dan Kefahaman – 60 markah (60%)**

Kertas ini terbahagi kepada 3 bahagian – Bahagian A, B dan C. Calon dikehendaki menjawab semua soalan. Calon tidak dibenarkan menggunakan kamus untuk bahagian ini. Masa yang diperuntukkan ialah 1 jam 20 minit.

#### (a) Bahagian A (20 markah)

Bahagian ini mengandungi soalan tatabahasa.

- Soalan A1: Peribahasa (10 markah)

Bahagian ini mengandungi 5 soalan berbentuk mengisi tempat kosong (FIB). Calon dikehendaki mengenal pasti peribahasa yang tepat daripada senarai yang disediakan berdasarkan situasi yang diberikan.

- Soalan A2: Mengedit Teks (10 markah)

Bahagian ini mengandungi 5 soalan berbentuk respons bebas. Calon dikehendaki mengenal pasti 5 patah perkataan yang disalah imbuah atau disalah guna. Kemudian, calon dikehendaki membetulkan perkataan yang disalah imbuah dengan imbuhan yang betul dan menggantikan perkataan yang disalah guna dengan perkataan yang sesuai mengikut penggunaannya dalam teks.

#### (b) Bahagian B: Kefahaman 1 (16 markah)

Bahagian B mengandungi 6 soalan berbentuk respons bebas berdasarkan satu teks yang panjangnya lebih kurang 240 patah perkataan. Antara soalan yang diuji termasuk soalan yang berbentuk mengenal pasti idea utama dan kosa kata. Calon dikehendaki menyusun maklumat yang diperolehi dengan menggunakan kaedah menyusun maklumat misalnya, menyusun mengikut urutan, membuat perbandingan, memastikan kesan dan akibat serta menentukan maklumat yang diberikan betul atau salah berserta rasionalnya.

(c) Bahagian C: Kefahaman 2 (24 markah)

Bahagian C mengandungi 7 soalan berbentuk respons bebas berdasarkan satu teks yang panjangnya lebih kurang 320 patah perkataan. Calon dikehendaki menjawab 6 soalan kefahaman. Bagi soalan kosa kata, calon dikehendaki memberikan maksud perkataan dan/atau frasa yang diberikan mengikut konteks.

Untuk keterangan lanjut, sila rujuk Jadual Pengkhususan yang disediakan.

### 3 JADUAL PENGKHUSUSAN

Kertas (Masa)	Komponen	Jenis Soalan	Jumlah Soalan (Jumlah soalan yang perlu dijawab)	Markah (Timbangan )	Penerangan
1 (50 minit)	<b>Karangan</b>	Respons Bebas	2 (1)	40 (40%)	Calon dikehendaki menulis karangan yang panjangnya tidak kurang daripada 180 patah perkataan.
	1 Karangan berdasarkan topik dan senario yang diberikan				
	2 Karangan berdasarkan permulaan cerita yang diberikan				
	Subtotal	-	2 (1)	40 (40%)	-
2 (1 jam 20 minit)	<b>Penggunaan Bahasa dan Kefahaman</b>				
	<u>Bahagian A</u> A1: Peribahasa	FIB	5 (5)	10 (10%)	Calon dikehendaki mengenal pasti peribahasa yang tepat berdasarkan situasi yang diberikan.
	A2: Mengedit Teks	Respons Bebas	5 (5)	10 (10%)	Calon dikehendaki mengenal pasti 5 patah perkataan yang disalah imbuah atau disalah guna. Kemudian, calon dikehendaki membetulkan perkataan yang disalah imbuah dengan imbuhan yang betul dan menggantikan perkataan yang disalah guna dengan perkataan yang sesuai mengikut penggunaannya dalam teks.
	<u>Bahagian B</u> Kefahaman 1	Respons Bebas	6 (6)	16 (16%)	Calon dikehendaki menjawab 6 soalan berbentuk respons bebas termasuk soalan yang berbentuk mengenal pasti idea utama dan kosa kata.
	<u>Bahagian C</u> Kefahaman 2	Respons Bebas	7 (7)	24 (24%)	Calon dikehendaki menjawab 7 soalan berbentuk respons bebas termasuk soalan kosa kata.
	Subtotal	-	23 (23)	60 (60%)	-
	<b>Total</b>	-	<b>25 (24)</b>	<b>100 (100%)</b>	-

**SENARAI PERIBAHASA UNTUK PEPERIKSAAN BAHASA MELAYU LANJUTAN  
SEKOLAH RENDAH**

**Darjah 3 dan 4**

<b>SN</b>	<b>PERIBAHASA</b>	<b>MAKSUD</b>
1	ambil berat	memberikan perhatian
2	anak angkat	anak yang diambil dan dijadikan sebagai anak sendiri
3	anak emas	orang yang sangat disayangi
4	bawa nasib	mencari penghidupan di tempat lain
5	berat sebelah	tidak adil
6	besar hati	bangga atau gembira
7	buah tangan	barang yang dibawa sebagai hadiah
8	buruk siku	mengambil semula sesuatu yang pernah diberikan kepada seseorang
9	cakar ayam	tulisan yang buruk dan sukar dibaca
10	campur tangan	melibatkan diri dalam hal orang lain
11	cari jalan	berusaha untuk mencapai sesuatu perkara
12	fasih lidah	lancar berbicara dan betul sebutannya
13	hidung tinggi	sombong
14	jalan tengah	tidak berat sebelah atau tidak memihak kepada sesiapa
15	kaki ayam	tidak memakai alas kaki atau kasut

**SENARAI PERIBAHASA UNTUK PEPERIKSAAN BAHASA MELAYU LANJUTAN  
SEKOLAH RENDAH**

<b>SN</b>	<b>PERIBAHASA</b>	<b>MAKSUD</b>
16	kaki bangku	tidak pandai bermain bola
17	kecil hati	tersinggung
18	keras kepala	degil
19	lepas tangan	tidak masuk campur dalam sesuatu hal
20	lurus akal	jujur
21	manis mulut	bercakap dengan lemah lembut
22	mati akal	tidak tahu apa yang hendak dilakukan
23	muka tembok	tidak tahu malu
24	murah hati	suka memberikan bantuan
25	rendah hati	tidak sombong
26	ringan mulut	peramah/mudah menyatakan pendapat
27	ringan tulang	rajin bekerja
28	tajam akal	cepat menerima pelajaran
29	tanda mata	hadiah yang diberikan sebagai kenang-kenangan
30	otak udang	bodoh

**SENARAI PERIBAHASA UNTUK PEPERIKSAAN BAHASA MELAYU LANJUTAN  
SEKOLAH RENDAH**

**Darjah 5 dan 6**

SN	PERIBAHASA	MAKSUD
1	air dicencang tiada putus	<ul style="list-style-type: none"> <li>• perselisihan antara adik-beradik tidak akan berpanjangan</li> <li>• ikatan persaudaraan tidak boleh diputuskan</li> </ul>
2	bagai aur dengan tebing	saling membantu
3	bagai dakwat dengan kertas	<ul style="list-style-type: none"> <li>• sesuai benar</li> <li>• tidak boleh berpisah</li> </ul>
4	bagai isi dengan kuku	sangat rapat
5	bagai menghitung bulu kambing	usaha yang sia-sia
6	bagai tikus membaiki labu	orang yang cuba membaiki sesuatu yang tidak diketahuinya, akhirnya barang yang dibaiki itu bertambah rosak
7	baik budi	berperangai mulia dan berniat baik
8	banting tulang	bekerja keras dengan bermati-matian
9	berani mati	tidak berasa takut walaupun akan menghadapi bahaya
10	buang yang keruh, ambil yang jernih	berdamai dan melupakan pertelingkahan
11	cubit paha kanan, paha kiri terasa juga	apabila seseorang teraniaya, kaum keluarganya akan terasa
12	diam-diam ubi	tidak banyak bercakap tetapi berfikir/banyak pengetahuan
13	hendak seribu daya, tak hendak seribu dalih	kalau mahu, berusaha bersungguh-sungguh tetapi kalau tidak mahu, memberikan bermacam-macam alasan
14	kata putus	<ul style="list-style-type: none"> <li>• ketentuan terakhir</li> <li>• keputusan rundingan</li> </ul>
15	langkah seribu	melarikan diri dengan sekuat-kuat hati kerana ketakutan

**SENARAI PERIBAHASA UNTUK PEPERIKSAAN BAHASA MELAYU LANJUTAN  
SEKOLAH RENDAH**

SN	PERIBAHASA	MAKSUD
16	lapang dada	berasa senang atau mempunyai perasaan yang sabar
17	makan suap	menerima rasuah
18	panjang akal	bijaksana
19	perah otak	berfikir atau belajar bersungguh-sungguh
20	putih hati	ikhlas
21	seperti anjing dengan kucing	selalu bergaduh
22	seperti garam jatuh di air	cepat meresap atau segera mengerti nasihat atau pelajaran
23	seperti kacang lupakan kulit	orang yang melupakan budi baik serta pertolongan orang lain apabila telah hidup senang
24	seperti katak di bawah tempurung	orang yang cetek ilmu pengetahuannya kerana tidak terdedah dengan isu semasa di sekelilingnya
25	seperti langit dengan bumi	sangat berbeza
26	seperti lipas kudung	cepat dan cekap
27	tahan hati	tabah
28	tangan kosong	datang tidak membawa apa-apa
29	tangan terbuka	menerima kedatangan seseorang dengan gembira atau sukacita
30	tulang belakang	<ul style="list-style-type: none"> <li>• sumber kekuatan</li> <li>• orang yang dianggap tempat berlindung dalam sesuatu kumpulan dan lain-lain</li> </ul>



**SENARAI PERIBAHASA UNTUK PEPERIKSAAN BAHASA MELAYU LANJUTAN  
SEKOLAH RENDAH**

**Tambahan  
Darjah 5 dan 6 (Bahasa Melayu Lanjutan)**

<b>SN</b>	<b>PERIBAHASA</b>	<b>MAKSUD</b>
1	ayam tambatan	orang harapan
2	buka pintu	<ul style="list-style-type: none"><li>• memberikan kebenaran masuk</li><li>• memberikan peluang untuk berunding</li></ul>
3	tanam budi	berbuat baik
4	tumbuk rusuk	memberikan rasuah
5	bagai cembul dengan tutup	memang sesuai benar
6	bagai lebah menghimpun madu	sangat rajin
7	seperti air dalam kolam	orang yang tenang sikap dan tingkah lakunya
8	seperti ikan pulang ke lubuk	orang yang telah balik ke tempat asalnya payahlah hendak berdagang semula
9	seperti menatang minyak yang penuh	sangat dikasihi dan dipelihara dengan sempurnanya
10	umpama minyak setitik, di laut sekalipun timbul jua	orang yang baik biar di mana sekalipun akan dimuliakan juga